



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 57. Idem Princeps ex Hollandia in Angliam appulsus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. Templo Concionatorem, qui plura in
 A. C. 1688. S. Literis a Protestantibus depravata
 probaverat, mendacii palam arguerent; unde excitato tumultu non pauci graviter vulnerati recessere & Concionator a petulanti populo in platea impetitus, ægre mortem eluctatus est, ea propter Rex omnia Catholicorum Sacella occludi jussit.

§. LVII.

Auriacus Princeps ex Hollandia in Angliam appulsus.

Hist. des Revol. Salm
Hist. d' Angl. **D**um hæc interim in Anglia gerebantur, Guilielmus III. Princeps Auriacus edictum in Britanniam præmisit, in quo declarabat, se a quamplurimis Angliæ Nobilibus & Clero ad tuendam religionem, Regni que leges, quas Jacobus Rex eversum iret, evocatum eo fine in Regnum penetrare, ut ad tollendas vexationes, quibus Jacobus Anglos hucusque pressisset, liberum Parlamentum convocaret, quod suppositi Walliæ Principis natalia ac successio- nis causam jusque Regni Ordinibus discutiendum committeret, atque ex auctoratis exteris militarem disciplinam revocaret, simulque Protestanticam atque Anglicanam religionem a malevolorum machinationibus tutaretur: Pa-
 riter

riter Batavi alio edicto promotæ usur-
pationis calumniam a se amoliri nite-
bantur, periculum obtendentes, ne Ja-
cobus Rex Angliæ inito cum Gallis fœ-
dere religionem & Belgium destrueret:
Jamjam Batavi validissimam classem
viginti armatorum millibus, armis,
omnique apparatu bellico instructam,
qua Princeps veheretur, paratam te-
nent, simulque Auriaco quater centies
mille aureos mutuo dant, nulla aut
Provincia aut urbe refragante, eoquod
jam antea cuncti Prædicantes populo
hujus subsidii necessitatem, æquitatem-
que inculcassent. Die ergo vigesima
nona Octobris Auriacus Princeps Ja-
cobum & Regem legitimum, & Avun-
culum & Socerum suum folio deturba-
turus ex Hollandia solvit, tantam inhu-
manitatem indignantibus etiam elemen-
tis, ventisque, quorum impetu Princeps,
cum jam in altum provectus esset, ad
littus Batavum rejectus est. Sub idem
tempus Jacobo Regi tradebatur Auriaci
diploma, quo non sine indignatione per-
lecto Cantuariensem Archiepiscopum,
aliosque Episcopos convocavit, eisque
injunxit, ut scriptotenus Auriaci inva-
sionem detestarentur: Hi vero audacter
responderunt, muneris sui partes esse,
pacem procurare, non autem bellum
contra Regiæ suæ Majestatis Generum
accen-

Sæc. XVII.
A. C. 1688.

sæc. XVII. accendere: Hoc responso offensus Rex,
 A. C. 1688. præfatum diploma divulgari inhibuit,
 ast illud non modo jamjam omnium
 passim manibus terebatur, sed insuper
 aliæ ipsius Auriaci literæ in vulgus
 spargebantur, quibus Princeps Regios
 Tribunos, milites, & nautas hortaba-
 tur, ne deinceps cum Religionis & pa-
 triæ dispendio sub Regis Jacobi signis
 militarent; inde vero factum, ut quam-
 vis Rex classem sexaginta navigiis vali-
 dam Auriaco opponeret, Darmuthus
 tamen Comes illius; Archithalassus par-
 tim militum perfidia, partim vento-
 rum injuria hostilem classem infestare
 non posset: Ergo Auriacus Princeps
 secunda eaque prosperrima navigatione
 cum ingenti sexcentarum & triginta
 quinque navium classe die undecima
 Novembris ex Hollandia solvit, ac de-
 cima quinta ejusdem Mensis die, ne-
 mine prorsus obnitente, in Angliam
 appulsus est; quamprimum vero Exo-
 niæ milites suos exscendere jusserat,
 mox Burnetus Præco Regi insensissimus
 diploma, quo Auriacus usurpationis
 contumeliam a se amoliri satagebat,
 consensu suggestu prælegit, omnibus
 Canonicis & majore populi parte e Tem-
 plo exeuntibus, ne conjurationis par-
 ticipes crederentur,